

金華黃先生文集

金華黃先生文集

四部叢刊集部

上海涵芬樓借印常
熟瞿氏上元宗氏日
本岩崎氏藏元刊本
原書版高營造尺六
寸九分寬四寸七分

黃學士文集序

翰林詩書學士黃先生文集序
先生文集統四十三卷其初彙三卷則
川危素所編次續彙四十卷則皆登第
後於甲辰年先生
白詩請以續彙讀之
愛玩動也之不已
朝廷嘗稱之於載山林泉石之詠詩無不各得其體而極其趣
以自歎一家之言不既甚盛矣乎余嘗論之文章與世運同為
成焉或百年或數十年輒一見焉先生當科目久廢之餘文治
浸邇者不復大興力於為己之學以擅名于海內雖其超見卓
識有以異於人其亦適值世運之一盛也耶譬諸山川之風氣
草木之花實息者必復悴者必榮蓋亦理勢之必然者夫豈偶

然而己哉先生領延祐甲寅鄉薦先文靖公實為考官於師泰
有契家之好其後同居史館又同侍經筵交誼為尤篤比廉
問閩南過金華得先生之集於王生故叙而授之三山學官俾
刻梓以惠來學先生登進士第授將仕郎台州寧海縣丞歷石
堰塲監運諸暨州判官浮沈州縣幾二十年始入翰林應奉文
字尋丁外艱服除改國子博士居六年以太夫人春秋高乞外
補遂提舉江浙儒學年六十有四竟瘁祿歸養以中順大夫秘
書少監致仕及終太夫人喪年已踰七十矣復被召為翰林直
學士兼經筵官陞侍講學士中奉大夫同知經筵事數告
老不許久迺得謝去今年七十又九猶康強善飲啖援筆騁馳
如壯歲去至正十五年十月既望朝散大夫福建閩海道肅政
廉訪使宣城貢師泰序

金華黃先生文集卷第一

初藁一

五言古詩

臨川危素編次

番禺劉耳校正

襍詩五首

日月東西行羣動亦不息寄身萬物中寧獨謝茲役所以魯中叟遑遑走南北聖哲諒已然旅人能久安

晨起步南園旭日朗以清葵花衆草中曄曄敷丹榮流光非汝私獨爾心自傾覽物有深懷竚立方含情

璞玉與寶劍淪落初未偶君看被蒲板各在千年後將身比金石誰當獨長久悠悠百代下相知復何有

孤雲澹無心出山偶爲雨長風忽吹散渺渺歸無處唯餘向來山突兀青如故慷慨魯仲連功成身已去

春風着萬物欣欣皆自私可憐兒女花榮悴更相持獨有澗底

松偃蹇如不知何疑楊執戟草玄歸若絲

效古五首

上山見明月下山月相隨月豈知愛我我行自見之故山日已遠故人不可思殷勤謝明月願爾無時虧

女美衆所悅士窮世所輕輕重安足言泥盡水自清淮陰初寄食曲腰踣下行季子黃金多妻嫂來相迎自古已復然歎息空吞聲

擊石乃有火石火光不揚攀天亦有路天高路何長嗟哉萬古雲下覆歌尖塲富貴誠足多貧賤不可忘

落花隨風吹各自東西飛花飛既不息水流復無極同生不同歸能勿異顏色木生則有枝豹死則有皮悠悠岐路間多言亦奚爲

飲酒莫盡醉盡醉無餘懽讀書莫弔古弔古多悲酸蕭艾救中
野白露摧芳蘭鳳飢不得死鴟梟食琅玕去去復玄玄采芝青
雲端

人事如草木

人事如草木一氣榮悴之外物何預人而寘喜與悲堂堂異姓
王昔者踣下兒窮通本解后達者固不疑阮生亦隘人慟矣真
奚爲

煌煌明月珠

煌煌明月珠未害居濁水君看黃河黃豈解污清濟我方遺吾
形寵辱齊一指懸知破琴戴未若搥捺欄

微雲翳白日

微雲翳白日羣動何喧喧嗚呼麒麟兒化爲猴與猿登高望四

荒但見黃河奔誰哉沂其流與我歸崑崙萎蕤青桂花霜霰日
已繁豈不有桃李對之可忘言

古意

荆人初得玉趺足辭嚴阿持獻萬乘君君門正嗟峨誰其尸國
工謬以石見訶迷邦誠不忍欺君反同科臣口不自明臣心終
靡它抱璞重再拜呼天淚滂沱淚盡血可續玉在良已多是事
古則然嗚呼今奈何

連雨禱書五首

蕭蕭十日雨出門竟何之不愁道路難所懼沾我衣悠悠看屋
梁作計誠已非有酒不辭飲且遂哦吾詩

昔慕栗里翁頗復志耕耘偶入翰墨場把筆學爲文偃蹇獨何
成喧歎浪云云念彼荷蓑子窮年愧其勤

虛堂坐無言繾綣悲宿昔常時眼中人已如不相識剥琢者誰
子令我喜折屐忽去已莫追一咲岸玄幘

我思仇山人山川莽回互十書九不到木葉歲頻暮頗聞近移
居併失夢中路得無挈妻兒倒載入山去

今日曷不樂孤倡無與酬兀坐把書卷展玩不自休借問誰所
為其人已千秋山雨政可聽撥書置牀頭

晚晴

洩雲散積雨林木含餘清披衣有奇懷偶從林叟行新晴遠峯
麗夕陰孤花明曠日固所虞聊茲息營營

夜歸

空山四寨寨落日翳榛莽蜿蜒草中逕躡屩度寒雨楠杉窈深
黑忽忽疑伏帟林窮澗水明稍聽歸人語

讀忠簡宗公遺事

公初起淦陽艱危屬多壘蒼然國家意委身干戈裏陰飈卷翠
華朔雪被南紀悠悠震淵日力盡揮不止寅恭秉齋鉞際會開
朱邸長安付馮異漢業中興始宮庭數汎掃蹕路無荆杞疚心
望鑾輿感激涕如水上表方出師嗚呼孔明死宴安不可懷肉
食母乃鄙臣舟竟未焚三語猶在耳蕭然舊祠下碧草垂階庇
登堂挹先儀杰歸仍几几千年墮淚碑一夫敢殘毀傳家有遺
書叙事非虛美勗哉慎失墜庶以裨信史

陪諸老夜飲

世故不可料忽若浮雲移坐令百年內顛倒殊懽悲願惟我與
公異代同一時覽古既深慨撫今亦餘憶長川玄悠悠青山暮
委蛇向來遠遊意我行方遲遲咄哉有志士平歲恒寒飢况復

託渺茫欲與千載期
盈虛信天運
濺興豈人為
顏公姑舍是
一觴聊可持

曉行湖上

曉行重湖曲
旭日青林半
霧露寒未除
鳬鷺靜初散
寅緣際餘景
閃條多遺玩
會心乍有得
撫已還成歎
夙予丹霞約
久茲芳洲畔
獨往願易違
離居歲方換
沙暄芷芽動
春遠川華亂
存殍寂寞取
達豈爛漫
小隱倘見招
漁樵共昏旦

西峴峯

層雲抱春岑
急瀨洩嵌竇
脩蹊入窈窕
衆綠蔚以茂
名亭標水樂
柱折荒碑仆
幽尋得緇廬
亂石扶結構
青精午堪飯
碧澗寒可漱
平生慕真賞
及此成解后
冥探指絕頂
有路忽通透
緣蘿度蒙密
翠氣濕衣袖
寄身萬物中
下睨人寰陋
清謠襍風竹
大

嘯落巖狖東峰在眉睫可望不可就同遊却何時瑶艸春已秀

夜興三首

秋氣入病骨殘夢翛然驚芭蕉葉間露風過皆成聲攬衣沈寐
內搔首天河橫飢蛩語不休中宵誰汝令孤鴻亦何苦犯霜度
微明悠悠念羣動百感忽我并大化倘不爾吾其免營營

寒星挂疎林夜色翳餘暝雞聲驅行客出門路方永亦有山中
人熟睡方未醒而我立於獨婆娑玩光景一咲天宇青此意君
自領

舉頭見殘月葉脫知深秋今我曷不樂歲月如驚鷗常憐古志
士辛苦歌飯牛空山夜漫漫政合秉燭遊臨風振吾衣蕭瑟不
得留小立殊復佳澗水鳴幽幽

陳生詩

陳生少也孤秉志何軒軒讀書奉慈母承顏郁春溫兀然處膝
下不間晨與昏叢叢萬井中陳生深閉門暉暉百花時陳生不
窺園常恐去左右或乖覆育恩一朝抱長痛飛霜墮秋萱鹽酪
不入口日夜涕翻盆欲娶弗及養矢言終不昏尚賴百歲後兄
子父所孫朝來遊子衣忽逐東風翻世方醉糟粕何庸薦犧尊
陳生頌謂我是事安足論幸託山水窟放情詠蘭蓀嗟今學步
者觸險爭飛奔願爾利鋤鏤深斲六籍根願爾進竿舫高沂百
聖源源長流自遠根大枝乃蕃勿搖崔嵬筆許作礫磈言弘惟
孝與弟百行茲其元咄哉行勿休日月方汙汙贈言豈予敢情
真覺辭繁匪為陳生榮庶感薄俗敦

述懷

端居有多感求志無餘營夙違金門路緬愛丹丘名課黍君子

顧捧身廁羣英甲，栖念遠引窘步迷。先征倪默敦宿尚，低徊阻平生。伏枕勸中夜，攬衣寄遐情。上天廓澄穆，列宿揚光晶。俯視林木改，仰悲鴻鳴跂。子秉微素，十年守柴荆。帑世垂近務，慕隱餘衷誠。願言良時晚，庶保幽人貞。

寄方子踐子發

窮居悵無遂，徂歲聿載陰。飛翹隕芳華，候蛩厲哀音。曾聽扇叢薄，泫露栖喬林。撫景慨往古，端操思繼今。折蘭間幽佩，解纓濯清潯。石林宵蕊舊，桂栢鬱蕭森。遺世豈余敢，匡時非我任。覽已譏高軌，卽事念所欽。纏綿阻道里，緬邈眠崗岑。委懷竚芳訊，貽好在規箴。

寄俞子易

間居寘歡豫，枉駕忻周旋。清言邁脩夜，朱火銷餘烟。嘉會良不

易鬱抱壑吁宣揆余徇微業春冬屢徂遷著微忤往往招馳芳謝
時賢睦茲企三益揮袂增慨然杪秋淒且厲郊圻曠阡眠振颺
捲飛藿積霧迷遐川契濶歲復流瞻望情所牽存期尚勿奪輔
仁庶不訾紫芝無新曲白駒有遺篇矢心遂拓要贈言比芳荃

東園晚歸

洪忍嬰近務起遙愛佳辰興言望東菑良苗藹津津鄙人昧時
趨曠途夙所遵幸遠藉組累稍欣田圃隣兀兀登故畦悠悠睇
城闌理穢出新竹撼枯落荆薪夕日逗遠川餘暉散衣巾疊疊
物變依依念農人渠渠長者惻惻非賤貧

送凌吉叟杭州教授

浙水西八州維杭寔名都古來萬人海逐逐無賢愚况茲百年
後淳朴古不如翩翩誰家兒白馬驕路隅春風樊樓醉一咲百

鮮珠亦有朱門家齊謳間吳歛綃綺散烟霧續絲被僮奴可憐
彼蚩蚩父爲紅塵驅頽俗如波瀾孰障羣流趨又如敗屋辟風
兩須人扶博士非冗官豈即無良圖當令歌舞場化作弦誦區
行矣徇所務辭章信其餘春風揀別衣晴沙秀寒蘆何以贈子
行白雲不可呼聊持狂者言用比貂襜褕

送朱仲山之京

騏驎出渥洼意欲周八極竊豆豈不多未便甘伏櫪念君抱耿
耿坐視暄涼易忽辭白髮親去作青雲客應恐鄧仲華咲尔長
寂寂鄙人屬有念未辦經世榮青燈雨如綫窮巷方偏仄懸知
操斧斤不必睨搏櫟往哉布汝懷庶用副前席勿云萬戶侯自
可談咲覓百年滔滔內岐路足南北出處會有爲聚散奚暇惜
歌我辛苦詞送子遠行侵崢嶸壯士志慄澹遊子色那無平生